

**Pikom Yakin Pertumbuhan Mampan Ekonomi Malaysia  
Bernama  
28 Ogos, 2012**

KUALA LUMPUR, 28 Ogos (Bernama) -- Persatuan Industri Komputer dan Multimedia Malaysia (PIKOM) yakin ekonomi Malaysia mencatatkan pertumbuhan mampan meskipun menerima kesan daripada krisis kewangan global.

Pengerusinya, Woon Tai Hai berkata persatuan itu menjangka ekonomi negara mencatatkan pertumbuhan antara 4.5 peratus dan lima peratus tahun ini.

"Ekonomi setakat ini masih kekal berdaya tahan daripada impak global krisis hutang yang berpanjangan di zon euro dan keadaan tidak menentu ekonomi AS," katanya kepada Bernama di Majlis Rumah Terbuka Hari Raya Aidilfitri persatuan tersebut di sini, Selasa.

Woon berkata perbelanjaan teknologi maklumat (IT) di Malaysia diunjur berkembang sebanyak sembilan-sepuluh peratus tahun ini.

"Prospek positif ini dipacu oleh banyak inisiatif dan program yang telah dirancang dan sebahagiannya telah dilaksanakan, termasuk Program Transformasi Kerajaan, Program Transformasi Ekonomi dan Program Transformasi Digital," katanya.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=690471>